



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Pwooemivm.

[urn:nbn:de:hbz:466:1-46059](#)

STATIUM DILECTIONE
CHRISTIANA LIBERTATE
LIBER PRIMVS.

PROEMIVM.

QUONIAM libertatis amantes sumus omnes, nec quisquam est qui non in servitute vitam sibi acerbam putet: quænam vera libertas, quæque maximè servitus existimanda sit, digna mihi res esse visa est, in qua cognoscenda elaboretur. Præsertim cùm & libertatis in diuinis literis mentio frequens occurrat, grauesque de ea sententiæ habeantur; & sub hoc blandissimo nomine iam olim soleat hostis noster infelicissimam servitudinem incutis fidelibus propinare. Non enim nescit iucundam esse mortalibus libertatem, cuius gratia comparandæ, tot urbium suasit euersiones, adeoque belluina inter homines sæpe numero bella commouit. Quemadmodum enim pacem homines sic amant, ut eam & grauissimis turbulentissimisque bellis sibi querendam parent: ita nullam cuiuslibet incommodi servitudinem, nullum periculum aut facinus recusant, quo optata libertate potiantur. Vnde & illud est:

*Virg. lib. 6:
Eneida,*

— Natosq; pater noua bella mouentes

Ad pœnam pulchra pro libertate vocabit

Infelix, vt cunque ferent ea facta minores.

Quanquam versu consequenti consolatus est infelicem:

Sed vicit amor patriæ, laudumq; immensa cupido.

Hæc enim illa duo sunt, Libertas, & Cupiditas laudis humanæ, quæ ad facta compulere mirada Romanos.

A

Atque

2 DE CHRISTIANA LIBERTATE

Atque utinam pro vera libertate adipiscenda, vel pa-
lo minor opera sumeretur! non tot miseranda premit
seruitute omnis ætas videre cogeretur. Quod si pro li-
bertate moriturorum, & cupiditate laudum, occidi filij à
patre potuerunt: quid magnum est, si pro vera liber-
tate, quæ nos ab iniquitatis, & mortis, & diaboli do-
minatu liberos reddit: non cupiditate humanarum
laudum, sed charitate liberandorum hominum: non
à Tarquinio Rege, sed à dæmonibus & dæmonum
principi: non filij occiduntur, quod difficilium est, neq.
necessæ est; sed terrena omnia pro nihilo ducuntur, &
Christi pauperes inter filios computantur? Verum
plætique mortales cùm & quid sit expetendum te-
neant generatim, & ubi hoc verum sit, magna cæcitate
non videant; studij totius cursusque errore labuntur.
Sectantur omnes sanè libertatem; sed quæ sit tandem
vera libertas, & ubi quærenda sit, perpauci intenta
animi cura considerant. Est enim & falsa & fucata li-
bertas, seu splendida seruitus, cuius vinculis dum se
vltro multi ac libenter innectunt, nunquam miseram
se seruitutē subiisse, nisi sero nimis intelligunt. Cuius-
modi hominibus tanquam cæca in nocte periculose
nimis errantibus, Euangelicæ & Apostolicæ prædica-
tionis luce benignissimè sapientissimeque diuina mi-
seratio consuluit, veramque libertatem ostédit. Cuius
ratio quoniam perspecta satis esse nemini potest, nisi
& conditionis primæ dignitas, & ruinæ seruitutisque
in quam decidimus, magnitudo probè cognita habeat-
ur: idcirco de varia multipliciisque generis humani
seruitute priùs, pòst de libertate his in libris differen-
dum nobis tractandumque putauimus: eo sanè duce
atque adiutore qui nos in libertatem afferuit; de quo
scriptum est, Si vos filius liberauerit, tunc verè libe-
ti eritis.

Cap. 8.

CAPV